

欽定古今圖書集成

方輿彙編職方典



欽定古今圖書集成方輿彙編職方典

第六百九十五卷目錄

松江府部彙考七

松江府賦役考三

職方典第六百九十五卷  
松江府部彙考七  
松江府賦役考三  
上海縣

職方典第六百九十五卷

松江府部彙考七

松江府賦役考三

府志

上海縣

上下二鄉計一十五保五十六區三百九十八里共田地蕩漚一萬四千八百五十頃八十二畝六分七釐三毫一絲  
免科公占義塚等共二十二頃二十六畝四分九釐七毫二絲

實在有徵田地蕩漚一萬四千八百二十八頃五十六畝一分七釐五毫九絲不等准熟田一萬四千七百一十三頃五十九畝二分一釐三毫一絲

不等科平米三十八萬八千四百四石三斗七升三合六勺

內徵糧平米三十四萬一千三百七十石二斗一升一合

五錢折徵平米四萬七千三十四石一斗六升

二合六勺

人丁八萬一千九百六十丁

上鄉十六保十八保二十一保二十二保二十三保二十四保二十五保二十六保二十七保二十八保二十九保三十保計三十區共二百一十七里該田地蕩漚七千二百三十四頃四十八畝三分五釐三毫五絲內除公占義塚等免科外

實在有徵田地蕩漚七千二百二十一頃三十

四畝一分六釐八毫五絲不等准熟田七千一百五十三頃三十五畝一分八釐一毫二絲不等科平米二十一萬一千六十六石三斗一升二合七勺

徵糧平米一十六萬五千八百四石二斗二升六合九勺

五錢折糧平米四萬五千二百六十二石八升五合八勺

人丁三萬九千八百三十七丁

免科田一十三頃一十四畝一分八釐五毫

徵糧項下

熟田五千五百七十二頃九十八畝七分二釐六毫八絲

每畝均科正耗平米二斗九升五合

傍浦留步熟田六頃五十三畝五分六釐六毫

每一畝四分准腹內熟田一畝共准熟田四頃

六十六畝八分三釐二毫九絲

熟田一畝俱均科正耗平米二斗九升五合

低薄舊荒田二十九頃九十九畝三分一釐五毫每一畝五分准熟田一畝共准熟田一十九頃九十九畝五分四釐三毫三絲

傍浦留步低薄田二十六畝四分一釐六毫六絲每二畝一分准熟田一畝共准熟田一十二畝五分七釐九毫三絲

得業蕩二十五頃三分八釐七毫三絲每二畝准熟田一畝共准熟田一十二頃五十畝一分九釐三毫七絲各則蕩漚准熟田一畝均科平

米三斗

傍浦留步得業蕩七十七畝二分二釐三毫每二畝八分准熟田一畝共准熟田二十七畝五分七釐九毫六絲

柴蕩六頃七十八畝七分九釐九絲每三畝准熟田一畝共准熟田二十六畝二分六釐三毫六絲

傍浦留步柴蕩五畝四分八釐四毫每四畝二分准熟田一畝共准熟田一畝三分五毫七絲

草蕩水漚三十六頃六十八畝四分五釐三毫  
一絲每六畝准熟田一畝共准熟田六頃一十  
一畝四分八釐九毫

傍浦留步草蕩九畝五分八釐一毫每八畝四  
分准熟田一畝共准熟田一畝一分四釐六毫  
新墾壕官地九十七畝六分七釐九毫每六畝  
准熟田一畝共准熟田一十六畝二分七釐九  
毫八絲  
五錢折糧項下

熟田一千五百二十七頃三十四畝一釐六毫  
每畝均科正耗平米二斗九升五合每平米一  
石折徵銀五錢

低田三頃五十四畝六分五釐九毫每一畝五  
分准熟田一畝共准熟田二頃三十六畝四分  
三釐九毫三絲

熟田一畝均科正耗平米二斗九升五合照例  
每石折徵銀五錢  
得業蕩七頃六十四畝五分二釐五毫每一畝

准熟田一畝共准熟田三頃八十二畝二分六釐三毫各則蕩准熟田一畝均科平米三斗照例每石折徵銀五錢

柴蕩一頃五十七畝三分四毫每三畝准熟田一畝該熟田五十二畝四分三釐四毫

草蕩水漚一頃七畝八分四釐每六畝准熟田

一畝共准熟田一十七畝九分七釐三毫六絲

人丁三萬九千八百三十七丁

下鄉十七保十九保二十保二十二保共三十

六區計一百八十一里該田地蕩漚七千六百

一十六頃三十四畝三分一釐九毫五絲

免科公占義塚等項九頃一十二畝三分一釐二毫

實在有徵田地蕩漚七千六百七頃二十二畝

一毫五絲不等准熟田七千五百六十頃二十

四畝三釐一毫九絲

不等科平米一十七萬七千三百三十八石六升九勺

徵糧平米一十七萬五千五百六十五石九斗八升四合一勺

五錢折糧平米一千七百七十二石七升六合八勺

人丁四萬二千一百二十三丁

免科田九頃一十二畝三分一釐二毫

徵糧項下

熟田七千三百二十五頃八十二畝一分三釐七毫

每畝均科正耗平米二斗三升五合

傍浦留步熟田七十一畝九分九釐七毫每一

畝四分准腹內熟田一畝共准熟田五十一畝

四分二釐六毫四絲

低薄舊荒田一十四頃九十七畝五分五釐六

毫每一畝五分准熟田一畝共准熟田九頃九

十八畝三分七釐七毫

得業蕩八頃四十七畝七分八釐四毫一絲每

二畝准熟田一畝共准熟田四頃二十三畝八

分九釐二毫各則蕩漙准熟田一畝均科平米  
三斗

柴蕩九頃六十四畝六釐六毫六絲每三畝准  
熟田一畝共准熟田三頃二十一畝三分五釐  
五絲

草蕩二十七頃九十九畝八分四釐七毫五絲  
每六畝准熟田一畝共准熟田四頃六十六畝  
六分四釐一毫二絲  
不耗折糧項下

熟田七十二頃五十三畝二分五釐三毫

每畝均科平米二斗五合每石折徵銀五錢

得業蕩一頃七十八畝八分六釐六毫每二畝  
准熟田一畝共准熟田八十九畝四分三釐三  
毫各則蕩漙准熟田一畝均科平米三斗照例  
五錢折徵

護塘外不耗徵糧項下

熟田一百三十四頃九十畝四分七釐一毫  
每畝均科平米二斗五合

柴蕩四頃八十七畝五分一釐九毫每三畝准  
熟田一畝共准熟田一頃六十二畝五分六毫  
三絲各則蕩漙准熟田一畝均科平米三斗  
草蕩一頃五十七畝五分八釐九毫每六畝准  
熟田一畝共准熟田二十六畝二分六釐四毫  
八絲

不耗折糧項下

熟田六十七畝八分一釐七毫  
每畝均科平米二斗五合每石折徵銀五錢

柴蕩四十五畝四分九釐二毫每三畝准熟田  
一畝共准熟田一十五畝二分六釐四毫  
熟田一畝科平米三斗照例折徵

青浦縣

華上鄉華中鄉海上鄉海中鄉共計四鄉計一  
十四保五十三區二百二十三里共田山蕩漙  
等項八千一百一十六頃六十一畝七分七釐  
五絲

免科公占義塚等一十四頃二十九畝三分八

釐五毫五絲

實在有徵田山蕩漚八千一百二頃三十二畝

三分八釐五毫不等准熟田七千五百二十一

頃三十八畝五分九釐二毫九絲

不等科平米二十二萬七千九百一十三石五

斗六升九合九勺

內徵糧平米一十八萬一千二百八十六石九

斗六升三合一勺

二分徵糧平米五百六十石九斗七升四合

一分徵糧平米二百三十三石七升七合一勺

折糧平米四萬一千四百九十一石六升六合

七勺

九分折糧平米二千九十七石六斗九升三合

三勺

八分折糧平米二千二百四十三石七斗九升

五合七勺

人丁三萬一千五百二十五丁

徭里二項將人丁并田均派

華上鄉四十一保四十二保四十三保計一十四區共八十一里除公占義塚等免科外實在有徵田山蕩漚一千九百九十頃四十五畝一毫不等准熟田一千九百六頃九十畝八分一釐八毫八絲

不等科平米六萬九千五百九石六斗四升四勺

人丁一萬二千四百七十五丁

徵糧項下

熟田一千八百四十八頃三十五畝三分九釐七毫

每畝均科正耗平米三斗六升五合以下低田等准熟起科同

低田四十六頃八十八畝八釐七毫每一畝五分准熟田一畝共准熟田三十一頃二十五畝三分九釐一毫

山三十三畝七分一釐七毫每一畝准熟田一畝共准熟田一十六畝八分五釐九毫

新荒田八頃八十畝六分四釐七毫每一畝准熟田一畝共准熟田四頃四十畝三分二釐三毫五絲

舊荒田二十五頃四十八畝九分二釐五毫每三畝准熟田一畝共准熟田八頃四十九畝六分四釐二毫

得業蕩一十一頃八十二畝七釐八毫每一畝准熟田一畝共准熟田五頃九十一畝三釐九毫

一畝均科平米三斗四鄉並同

柴蕩一頃一十六畝九分七釐七毫每三畝准

熟田一畝共准熟田三十八畝九分九釐二毫

草蕩三十七頃七十畝八分三釐七毫每六畝

准熟田一畝共准熟田六頃二十六畝四分七

釐三毫

水河九頃八十八畝三分三釐六毫每六畝准

熟田一畝共准熟田一頃六十四畝七分二釐

三毫

人丁一萬二千四百七十五丁

華中鄉三十五保三十八保計七區共三十九里除公占義塚等免科外

實在有徵田山蕩漚一千二百六十三頃四十四畝五分一釐四毫不等准熟田一千二百頃七十九畝八分五釐五毫四絲

不等科平米三萬八千四百七石四斗二升六合五勺

徵糧平米一萬一千九百七十二石七斗八升

八合二勺

折糧田內二分起糧平米五百五十六石九斗三升一合二勺

折糧田內一分起糧平米二百三十石八斗九升七合六勺

不等科蕩平米九十九石五斗四升四合八勺  
折糧蕩內二分起糧平米四石四升二合八勺  
折糧蕩內一分起糧平米二石一斗七升九合五勺

折糧平米二萬一千七十二石三斗二升九合  
 九分折糧平米二千七十八石七升八合四勺  
 八分折糧平米二千二百二十七石七斗二升  
 三合八勺

折糧蕩平米一百二十七石一斗八升四合四  
 勺

九分折糧蕩平米一十四石六斗一升四合九  
 勺

八分折糧蕩平米一十六石七升一合九勺

人丁五千七百一十丁

徵糧項下

熟田三百六十一頃五十七畝五分五釐

每畝均科正耗平米三斗二升

低田五頃五十一畝七分一釐五毫每一畝五  
 分准熟田一畝共准熟田三頃六十七畝八分  
 一釐

熟田一畝俱均科平米三斗二升

新荒田六十畝九分六釐八毫每一二畝准熟田

一畝共准熟田三畝四分八釐四毫

山一十五頃七十九畝七分五毫每二畝准熟田一畝共准熟田七頃八十九畝八分五釐三毫

舊荒田二頃九畝二分每三畝准熟田一畝共准熟田六十九畝七分三釐

得業蕩五頃五十四畝四分六釐五毫每二畝准熟田一畝共准熟田二頃七十七畝二分三釐二毫各則蕩准熟田一畝俱均科平米三斗

草蕩二十二畝二分四釐九毫每六畝准熟田一畝共准熟田三畝七分八毫

水河三頃五畝二分五釐每六畝准熟田一畝共准熟田五十畝八分七釐五毫

折糧項下

熟田六百二十七頃八十九畝九分四毫

每畝均科正耗平米三斗二升以下准熟田同低田二十六頃九十五畝二分九釐七毫每一畝五分准熟田一畝共准熟田一十七頃九十

六畝八分六釐五毫

新荒田一十二頃三十八畝七分五釐四毫每

二畝准熟田一畝共准熟田六頃一十九畝三

分七釐七毫

山五頃一十九畝八釐三毫每二畝准熟田一

畝共准熟田二頃五十九畝五分四釐二毫

舊荒田一十一頃五十六畝二釐一毫每三畝

准熟田一畝共准熟田三頃八十五畝三分四

釐

得業蕩五頃三十四畝二分三釐五毫每二畝

准熟田一畝共准熟田二頃六十七畝一分一

釐八毫

以下及草蕩每准熟田一畝均科平米三斗

柴蕩四頃四十三畝八釐七毫每三畝准熟田

一畝共准熟田一頃四十七畝六分九釐七毫

草蕩六畝九釐二毫每六畝准熟田一畝共准

熟田一畝一釐五毫

八分折糧項下

熟田八十一頃四十七畝四分一釐三毫

新荒田六畝五分每二畝准熟田一畝共准熟田三畝二分五釐

山六畝二分八釐八毫每二畝准熟田一畝共准熟田二畝六分四釐四毫

舊荒田一頃三十二畝六分二釐六毫每三畝

准熟田一畝共准熟田四十四畝二分九釐

得業蕩七十九畝六分八釐每二畝准熟田一畝共准熟田三十九畝八分四釐

水河一頃六十三畝二分五釐二毫每六畝准

熟田一畝共准熟田二十七畝二分九毫

九分折糧項下

熟田六十八頃二十五畝八分一釐一毫

低田五頃八十四畝六分八毫每一畝五分准

熟田一畝共准熟田三頃八十九畝七分三釐九毫

得業蕩一頃一十畝一分七釐二毫每二畝准

熟田一畝共准熟田五十五畝八釐六毫

水河一頃五畝三分六釐六毫每六畝准熟田一畝共准熟田一十七畝五分六釐一毫

人丁共五千七百一十丁

海上鄉五十保計八區共二十六里除公占義塚等免科外

實在有徵田山蕩漚九百八十四頃五十畝四釐三毫不等准熟田九百四十一頃七十二畝一分六釐六毫三絲

不等科平米二萬七千七百八十六石四斗九

升八合六勺

人丁四千三百一十四丁

徵糧項下

熟田九百一十七頃一十五畝四分四釐九毫每畝均科正耗平米二斗九升五合以下准熟田並同

低田三頃九十四畝二分一釐五毫每低田一畝五分准熟田一畝共准熟田二頃六十二畝八分一釐一毫

新荒田一十頃二十七畝一分九釐五毫每二畝准熟田一畝共准熟田五頃一十三畝五分九釐七毫五絲

舊荒田一十四頃二十八畝二分九毫每三畝准熟田一畝共准熟田四頃七十六畝六釐八毫

得業蕩一十三頃九十四畝五分六釐五毫每二畝准熟田一畝共准熟田六頃九十七畝二分八釐四毫各則蕩准熟田一畝俱科平米三

斗

柴蕩三頃四十六畝六分二釐八毫每三畝准熟田一畝共准熟田一頃一十五畝五分四釐三毫

草蕩一十八頃二十一畝三分七釐五毫每六畝准熟田一畝共准熟田三頃三畝五分六釐三毫

水河三頃二十二畝四分七毫每六畝准熟田一畝共准熟田五十三畝七分三釐五毫

人丁共四千三百一十四丁

海中鄉三十一保三十三保三十四保四十四

保四十五保四十六保四十七保四十九保計

二十四區共七十七里除公占義塚等免科外

實在有徵田山蕩漚三千八百五十五頃九十

畝九分四釐五毫不等准熟田三千四百七十

一頃九十五畝七分五釐二毫

不等科平米九萬二千二百一十石四升四合

四勺

徵糧平米七萬一千二百五十石二斗六升五

合二勺

不等科蕩平米六百四十一石四斗一升七合

三勺

加科舊荒平米二十六石八斗八合六勺

折糧平米一萬九千二百六十一石七斗二升

一合

不等科蕩平米一千二十二石二斗四升八合

九勺

加科舊荒平米七石五斗八升三合四勺  
人丁八千七百八十六丁

徵糧項下

熟田二千五百四十頃三畝八毫

每畝均科正耗平米二斗六升五合

低田一頃六十畝三分三釐六毫每一畝五分

准熟田一畝共准熟田一頃六畝八分九釐一

毫

每准熟田起科與熟田同

新荒田九十七頃七畝五分三釐六毫每一畝

准熟田一畝共准熟田四十八頃五十三畝七

分六釐八毫

舊荒田二百九十三頃五十三畝一分三毫每

三畝准熟田一畝共准熟田九十七頃八十四

畝三分七釐一毫

得業蕩一十九頃一十八畝五分一釐五毫每

二畝准熟田一畝共准熟田九頃五十九畝一

分二釐五毫

柴蕩三十一頃七十六畝九毫每三畝准熟田  
二畝共准熟田十頃五十八畝六分六釐六毫  
草蕩水河九頃六畝四分二釐六毫每六畝准  
熟田一畝共准熟田一頃五十一畝七釐一毫  
折糧項下科則與徵糧項下同惟不科本色止  
徵折色

熟田六百九十一頃八十二畝一分七釐三毫  
低田二頃六十六畝九分五釐一毫每一畝五  
分准熟田一畝共准熟田一頃七十八畝二釐

七毫

新荒田三十六頃七十五畝三分三釐五毫每  
二畝准熟田一畝共准熟田一十八頃三十七  
畝六分六釐八毫

舊荒田五十一頃八十八畝四分八釐三毫每  
三畝准熟田一畝共准熟田一十七頃二十九  
畝四分九釐五毫

得業蕩一十八頃三十畝五分四釐每一畝准  
熟田一畝共准熟田九頃一十五畝二分七釐

三毫

柴蕩六十九頃三十五畝二分八釐七毫每三畝准熟田一畝共准熟田二十三頃一十一畝七分六釐五毫

草蕩水河一頃八十畝七分七釐三毫

鹽法附

皇清鹽法大抵因明之舊而加詳焉舊設兩浙都轉運鹽使司於杭州設松江分司於府境下沙鎮以同知或副使一員莅之統新舊八場計二十

七團竈戶分給柴蕩工本鈔督辦鹽課其竈戶附近能煎鹽者曰濱海居遠不能煎鹽者曰水鄉水鄉例出柴滷價錢貼雇濱海竈丁煎辦其後鈔法變更柴價又爲總催尅取濱海竈丁日就貧困明正統六年巡撫侍郎周忱乃以水鄉竈戶應納糧六萬餘石盡留本府支用節其運耗置贍鹽倉分貯各場總三萬六千餘石用以賑贍鹽丁及補逃亡闕課所貼柴價亦貯之各倉官爲支給又選殷實竈丁爲十排年總催其

次爲頭目輪年應當有消乏者依前選替當時便之

各場竈戶共二萬七千八百五十三丁柴薪蕩五千七十六頃八畝有奇歲給工本鈔一萬五千三百六十一錠一貫九十一文有奇額辦鹽七萬六千八百二引一百三十七斤十一兩每引重四百斤其鹽分二等鹽司按歲徵辦商人執引照支依次遞給者謂之常服增入中納不依資次引到卽支者謂之存積

濱海竈戶一萬七千八百五十四丁該辦鹽四萬八千八百六十六引三百九十三斤六兩三錢

水鄉竈戶九千九百九十九丁該辦鹽二萬七千九百三十五引一百四十四斤四兩七錢共折納米四萬三千四百一十石分貼濱海竈丁代爲辦課

浦東場六團竈戶三千四百三十丁共受蕩六百六十一頃五十二畝七分每丁一十九畝三

分歲支工本鈔二千三百七十一錠八百一十八文每丁三貫四百五十六文共辦鹽一萬一千八百五十引三百二十七斤五兩三錢每丁三引一百八十二斤六兩四錢內  
濱海一千七百二十三丁該辦鹽五千九百五十四引二百七十五斤三兩三錢  
水鄉一千七百七丁該辦鹽五千八百九十九引一百五十六斤十二兩八錢每丁折納米六石共米一萬二百四十二石

袁部場五團竈戶三千四百六十二丁共受草蕩三百三十九頃九十三畝一釐每丁九畝八分一釐八毫八絲歲支本鈔一千二百二十八錠三貫一百三十三文每丁二貫五百文共辦鹽八千七百四十三引一百四十六斤一十二兩二錢每丁二引二百一十三兩內  
濱海二千四百一十九丁該辦鹽六千一百九引四十三斤九兩  
水鄉一千四十三丁該辦鹽二千六百三十四

引二十五斤九兩每丁折納米四石共米四千一百七十二石

青村場四團竈戶四千一丁共受草蕩五百四十六頃四十二畝一分四釐每丁一十三畝六分五釐七毫歲支工本鈔二千六百錠三貫七百八十九文共鹽一萬四百三引二百十五斤一兩五錢每丁二引二百四十斤一兩五錢內濱海三千六百三十九丁該辦鹽九千四百六十二引一百一斤二兩五錢

水鄉三百六十二丁該辦鹽九百四十一引一百一十三斤十五兩每丁折納米四石共米一千四百四十八石

下沙場五團竈戶五千二百五十四丁共受草蕩九百七十一頃九十九畝每丁一十八畝五分歲支工本鈔二千八百一十六錠三貫九百四十五文每丁二貫六百八十文五分共辦鹽一萬四千八十三引一百三十八斤十二兩八錢每丁二引二百七十二斤三兩二錢內

濱海三千五百二丁該辦鹽九千三百八十七引四十四斤六兩四錢

水鄉一千七百五十二丁該辦鹽四千六百九十六引九十四斤六兩四錢每丁折納米四石共米七千八石

下沙二場三團竈丁蕩鈔等數並同一場內

濱海二千七百七十四丁該辦鹽七千四百三十五引二百八十二斤十二兩八錢

水鄉二千四百八十丁該辦鹽六千六百四十

七引二百五十六斤每丁折納米四石共米九千九百二十石

下沙三場三團竈戶五千二百五十三丁共受草蕩一千一百五頃九十九畝七分每丁一十八畝五分歲支工本鈔二千八百一十錠一貫三百六十文每丁二貫六百八十文五分共辦鹽一萬四千八十一引二百六十六斤九兩六錢內

濱海二千八百九丁該辦鹽七千五百二十九

引二百九斤十二兩八錢

水鄉二千四百四十四丁該辦鹽六千五百五十一引五十六斤十二兩八錢每丁折納米四石共米九千七百七十六石

青浦場三團舊設竈戶九百四十三丁共受草蕩二百八十二頃九十畝每丁三十畝共辦鹽二千五百二十七引三百十四斤一兩一錢每丁二引二百七十二斤三兩七錢內

濱海七百三十二丁該辦鹽一千九百六十二

引七十三斤四兩四錢

水鄉二百一十一丁該辦鹽五百六十五引二百四十斤十二兩七錢每丁折納米四石共米八百四十四石

天賜場竈戶二百五十六丁共受草蕩一百九十五頃三十二畝八分每丁七十六畝三分共辦鹽一千二百六引一百六十三斤三兩二錢每丁四引三斤一十二兩二錢

成化間御史林誠奏定折徵鹽課例每三分爲

率以二分存場給客餘一分照商人折支例徵銀入官送運司轉解

二十二年知府樊瑩議以水鄉折鹽米均入該縣糧耗項下帶徵白銀徑送運司交納原撥草蕩價仍與各場徵解其納米竈戶還入民伍當差

弘治十一年御史藍章復僉水鄉戶補濱海竈丁後知府劉琬欲併其鹽課於秋糧帶徵不果正德三年沿海富家言水鄉蕩價內白塗銀無

徵遂割民間已入黃冊科鈔分補不足再加縣糧耗米包補謂之白塗蕩價自是民戶歲代各場補納鹽課矣

隆慶三年丈田均糧富家將水鄉蕩或報爲科糧民田以絕竈戶之告分或指爲濱海丁蕩以拒縣人之丈量俱該蕩姦人受賄而除富家之額也按林御史商人折支例顧文僖言每引折與銀三錢似未詳也弘治元年令浙西鹽課折銀七錢者減爲六錢又弘治二年令兩浙水鄉

竈戶每引納銀六錢嘉靖中中丞周用亦言松江分司每引折銀六錢一半解部一半給商然則給商三錢而解部者復三錢乎一引也既取於商中復取於丁課言利亦已悉矣沈淮所以深病之歟

萬曆二十六年鹽法道覆議濱海竈戶分給蕩地爲勢豪兼占以致貧戶虛賠鹽課通行各分司嚴督各場查究追給

浦東場原五千一百三十八丁今五千二百八

十丁

草蕩四萬九百九畝二分四釐每丁得分七畝

九分四釐七毫有奇

灘場二千一百一畝六分四釐每丁得三分九釐八毫四忽

袁部場原三千四百六十二丁今六千七百二十丁

草蕩六千三十二畝三分每丁得分八分九釐七毫有奇

灘墩三千八百三十七畝八分七釐每丁得分五分七釐七毫一絲

青村場原四千一百三十六丁今一萬二千八百丁

草蕩三萬三千七十六畝七分四釐每丁得分二畝五分八釐四毫零

灘墩一萬一千八百一十九畝一分一釐每丁得分九分二釐三毫三絲零

下沙場原五千二百五十二丁今一萬四千四

百丁

草蕩六萬五千三十一畝二分每丁得分四畝五分一釐六毫

灘墩五千五百三十四所每丁得分三分八釐四毫三絲

下沙二場原五千二百五十二丁今一萬四千四百丁

草蕩六萬三千九百五十畝每丁得分四畝三分八釐一絲一忽

灘墩一萬八千六百九十二畝每丁得分一畝二分八釐二絲七忽

下沙三場原五千二百五十三丁今五千二百八十二丁

草蕩四萬九千九百五十畝每丁得分五畝四分四釐九毫五絲

灘墩八千一百八十七畝六分三釐每丁得分八分六釐一毫八絲

萬曆四十二年裁定三縣派徵水鄉銀數

華亭縣派徵水鄉銀四千六百八兩五錢一分五釐九毫三絲四忽一微五纖六沙四塵六埃草蕩銀一千六百九兩六錢二分一釐五毫上海縣派徵水鄉銀二千四百二兩一錢九分六釐六毫二絲七忽八微四纖四沙六塵二埃草蕩銀三千九百四十六兩一錢六分四釐六毫二絲三忽五微

白塗銀四百九十八兩一錢四分九釐八毫

倉基稅銀五兩五錢七分九釐六毫六絲解部

青浦縣派徵水鄉銀一千七百八兩九分七釐五毫九絲七忽九微八纖二沙二塵二埃

以上除上海倉基稅銀外餘俱一分解部二分給商

包補課銀見於正德三年又萬曆十五年下沙三場夏禹績等呈兌上海縣每年包補下沙三場鹽課本色銀九十五兩八錢五分

萬曆四十二年袁部場總催蔡師澤等呈允各場補袁部課額一千四百三十三兩七錢一分

二釐

鹽引洪武初兩浙歲辦二十二萬四千五百引有奇引四百斤弘治間改辦小引四十四萬四千七百引引二百斤

松江分司所屬額辦鹽七萬六千八百二引有奇除水鄉折米二萬七千三十五引有奇濱海竈丁實辦鹽四萬八千八百六十六引有奇引四百斤

嘉靖中周中丞用言松江八場除青浦天賜二

場埤海外浦東等六場每大小二引折一大引引四百斤共五萬五千四百五十五引零較前額浮六千四百八十九引疑橫浦一場在內又折引之法未詳

嘉靖十四年兩浙每正鹽一引連包重二百五十斤原定四錢者減作三錢五分餘鹽通融二百斤爲一引屬嘉興批驗所者引五錢

按引四百斤者正也自大引改爲小引於是一引分爲二引引二百斤矣迨餘鹽亦入引額而

正引稍益斤數以優商故有連包索二百五十斤之例若兩淮有每引五百五十斤者正餘鹽俱入數又不同於兩浙也

正統中周文襄言松江浦課五十三萬六千九百二十餘引部議准六年帶徵

萬曆季年御史楊鶴言兩浙商引積至一百五十萬說者謂設小票之故行一票則占一引因引價重而票價輕人皆利票不利引矣按嘉靖年間霍韜言商人納課候鹽每引費銀三兩有

奇

上海縣順治二年仍設松江分司下砂三場設鹽課司三

三年奉定經制課餉悉照會計錄起科引每包

二百斤加包索二十七斤溢額五斤免究餘者

沒入其掣鹽於每季孟月中旬報掣仲月開掣

季月竣掣不得零星掣放以致秤驗成虛

鹽院楊議略四則一綱紀宜擇一商人當優免

一提船宜禁一無名之稅宜禁

包補下砂二三場鹽課二千四兩七錢八分八

釐因竈逃竄徵比不登于順治年間知縣閻紹

慶詳奉各院題入民田內按畝均賠縣徵場解

順治三年分起至今止每年額該銷引鹽四千

五百道

康熙元年分起至今止每年代銷台紹改引鹽

一千二十八道此引係歷年陸續攤派到縣

康熙十八年分起至今止每年奉文計丁加增

引鹽一千三百八十三道

以上每年總共額該銷引鹽六千九百一十一道分四季行銷

本縣巡鹽主簿一員民快二十名歲共獲鹽六萬四千八百斤船八十四隻犯八十四名遇閏加鹽五千四百斤船七隻犯七名於康熙十二年間知縣陳之佐將因籲苦情等事詳奉浙撫都院帶管鹽漕察院事田批減歲共捕鹽三萬五千一百斤船四十二隻犯四十二名遇閏加鹽二千九百二十五斤船三隻五分犯三名五

分

吳松黃浦三林塘巡檢三員弓兵一百三十五名歲共獲鹽一十九萬四千四百斤船二百五十二隻犯二百五十二名遇閏加鹽一萬六千二百斤船二十一隻犯二十一名因地窄鹽微限獲不全同詳批減歲共捕鹽一十萬五千三百斤船一百二十六隻犯一百二十六名又于康熙二十一年知縣史彩見限獲惟艱詳鹽法道楊轉詳察院詹批定三巡司歲共捕鹽四萬

八千斤船三十六隻犯三十六名

南匯所巡鹽官一員軍一十名歲獲鹽七千二百斤船一十二隻犯一十二名遇閏加鹽六百斤船一隻犯一名以上縣司功鹽照鹺折銀每斤銀二釐五毫每兩收加車硃銀一分七釐解鹽法道每隻船照鹺折銀五錢每名犯銀一錢二分五釐

按本邑各竈支流盡通黃浦南連泖澱北接吳松巨臬出沒卒難偵緝稱引地藩籬此鹺賦之所以編入下下則也

按各商買補自下砂一二三場以及鄰邑之青村袁部金山衛各場皆可隨便收買貯廠配掣但本邑慣食黃鹽灰斷味鹹產自下砂頭場南匯左近各商俱往收買間或不能足數往別場買配則以鹽色不同難售易壅有悞轉輸不得不從民便也

捕役巡鹽向係離場三十里蓋因產鹽之地原屬場官統轄又有保戶稽查官商覺察似無煩

捕役矣乃捕役藉口巡緝反行興販以官牌爲護身撐駕械船直抵煎熬之所公行私販場官不敢詰保戶不敢問途遇窮民手提食鹽輒肆搶奪及將自己私鹽捏賣良民沿門紮詐大爲民害知府魯洞悉時弊嚴行申禁復於康熙二十一年力請巡撫都御史余巡鹽御史詹仍照向來舊例離場三十里外方行巡緝俱奉批允通行在案嗣奉鹽院親歷松屬各場相其衝要改立離場一十五里立碑分界末爲巡緝汎地

捕役擾害之風始息

昔時鹽值每斤不過釐計今已二分餘總因鹽引太少竈丁日耗出鹽旣艱而食鹽戶口日益繁正鹽筴者尚其念之

青浦縣引爲下則每年銷六千七百五十引每引正課等銀一錢三分三釐三毫六絲二忽五微每引價六分一釐四毫

順治三年奉定經制以引化二爲三課餉悉照會計錄起科青浦縣每年銷一萬引四季行銷

載有定額毋容趨避而有司考成係焉趨避則上下交病額定則商民均益

鹽政歲銷官引始自萬曆年間石令時有徽商葉大中夏日弘等奉文招徠認銷額引四千五百有奇私販由此斂跡

順治二年有商生葉繼發任中英汪逢吉夏日弘黃恆吉等請銷引額增至一萬有奇急公辦課奉

旨勒石三元橋准免雜差子弟應試咸加作養云

欽定古今圖書集成方輿彙編職方典

第六百九十六卷目錄

松江府部彙考八

松江府漕運考

松江府風俗考

松江府部彙考八

松江府部彙考八

松江府部彙考八

松江府部彙考八

松江府部彙考八

職方典第六百九十六卷

松江府部彙考八

松江府漕運考

府屬總

府志

漕運正兌正米二十萬三千石耗米八萬一千  
 二百石內改折灰石正米四千二百九十三石  
 四斗耗米一千七百一十七石三斗六升遇閏  
 改折灰石正米四千八百八十九石九斗四升  
 八合耗米一千九百五十五石九斗七升九合

二勺

華亭縣正米四萬九千八百二十三石七斗六升八合內改折正米一千五十三石七斗七升遇閏改折正米一千二百石一斗五升

婁縣正米四萬九千七百三十九石八斗五升六合內改折正米一千五十一石九斗九升遇閏改折正米一千一百九十八石三斗四升一

合

上海縣正米六萬五千三百二十八石八斗六

升一合內改折正米一千三百八十一石七斗遇閏改折正米一千五百七十三石六斗二升一合

青浦縣正米三萬八千一百七石五斗一升五合內改折正米八百五石九斗四升遇閏改折正米九百一十七石八斗三升六合

外每正米一石加耗米四斗改折正耗米俱每石折銀一兩二錢又有五贈米折銀六分十贈銀一錢

舊全書原開每正米一石加輕齋米二斗六升  
每斗折銀五分內扣河工備剝銀一分實該輕  
齋米一錢二分又正米二石給蘆蓆一領內折  
色七分同輕齋起解本色三分隨糧給軍又正  
米二千石給楞木一根松板九片又正米一石  
給過江水脚米六升每升折銀五釐今各項另  
開列後

漕運改兌正米二萬九千九百五十石耗米八  
千九百八十五石內改折灰石正米六百三十

三石四斗五升耗米一百九十石三升五合遇  
閏改折灰石正米六百四十五石七斗五升二  
合耗米一百九十三石七斗二升五合六勺  
華亭縣正米七千三百五十石八斗四升七合  
內改折正米一百五十五石四斗七升遇閏改  
折正米一百五十八石四斗九升一合  
婁縣正米七千三百三十八石四斗六升六合  
丙改折正米一百五十五石二斗遇閏改折正  
米一百五十八石二斗二升四合

上海縣正米九千六百三十八石四斗二升一合內改折正米二百三石八斗五升遇閏改折正米二百七石八斗一升三合

青浦縣正米五千六百二十二石二斗六升六合內改折正米一百一十八石九斗三升遇閏改折正米一百二十一石二斗二升四合

外每正米一石加耗米三斗改折正耗米俱每石折銀一兩二錢又有五贈米折銀六分十贈銀一錢

舊全書原開每正米一石加折色耗米二升每升折銀五釐又正米二石給蘆蓆一領內折色七分同輕齋起解本色三分隨糧給軍又正米一石給過江水脚米六升每升折銀五釐今各項另開列後

以上漕兌米二款共正耗米三十二萬三千一百三十五石內改折灰石正耗米六千八百三十四石二斗四升五合遇閏改折正耗米七千六百八十五石四斗四合八勺

正兌漕船本色三分蘆蓆三萬四百五十領每領價銀一分二釐共銀三百六十五兩四錢

華亭縣八十九兩六錢八分二釐七毫八絲二忽三微

婁縣八十九兩五錢三分一釐七毫四絲八微  
上海縣一百一十七兩五錢九分一釐九毫四絲九忽八微

青浦縣六十八兩五錢九分三釐五毫二絲七忽按縣志上海該蘆蓆九千七百九十九領三

分二釐九毫一絲五忽青浦該蘆蓆五千七百一十六領

楞木一百一根五分每根價銀五錢五分共銀五十五兩八錢二分五釐

華亭縣一十三兩七錢一釐五毫三絲六忽二微

婁縣一十三兩六錢七分八釐四毫四絲三忽五纖

上海縣一十七兩九錢六分五釐四毫三絲六

忽七微七纖五沙

青浦縣一十兩四錢七分九釐五毫六絲六忽  
六微二纖五沙按縣志上海該楞木三十二根  
六分六釐四毫四絲三忽五纖青浦該楞木一  
十九根五釐

松板九百一十三片五分每片價銀四錢五分  
共銀四百一十一兩七分五釐

華亭縣一百兩八錢九分三釐一毫三絲二微  
婁縣一百兩七錢二分三釐二毫八忽四微

上海縣一百三十二兩二錢九分九毫四絲三  
忽五微二纖五沙

青浦縣七十七兩一錢六分七釐七毫一絲七  
忽八微七纖五沙按縣志上海該松板二百九  
十三片九分七釐九毫八絲七忽四微五纖青  
浦該松板一百七十一片四分八釐

過江水脚六升米折銀六千九十兩

華亭縣一千四百九十四兩七錢一分三釐四  
絲

婁縣一千四百九十二兩一錢九分五釐六毫八絲

上海縣一千九百五十九兩八錢六分五釐八毫三絲

青浦縣一千一百四十三兩二錢二分五釐四毫五絲

舊全書原載每正米一石給過江水脚米六升每升折銀五釐共銀三分除下江總領運例不加給其上江總領運照數編給萬曆四十七年

漕單坐派上江總領運正米十五萬二千九百六石六斗二升七合止編過江水脚銀四千五百八十七兩一錢九分八釐八毫一絲今不分上江下江照依原額正米計石算派以後漕單坐派若係上江總全運其銀照數全給如下江總領運其銀照數扣留起解

改兌漕船本色三分蘆蓆四千四百九十二領五分每領價銀一分二釐共銀五十三兩九錢一分

華亭縣一十三兩二錢三分一釐五毫二絲四忽六微

婁縣一十三兩二錢五釐二毫三絲八忽八微  
上海縣一十七兩九錢四分九釐一毫五絲七忽八微

青浦縣一十兩一錢二分七絲八忽八微按縣志上海蘆蓆一千四百四十五領七分六釐三毫一絲五忽青浦蘆蓆八百四十三領三分三釐

過江水脚六升米折銀八百九十八兩五錢

華亭縣二百二十兩五錢二分五釐四毫一絲

婁縣二百二十兩一錢五分三釐九毫八絲

上海縣二百八十九兩一錢五分二釐六毫三

絲

青浦縣一百六十八兩六錢六分七釐九毫八

絲

舊全書原載每正米一石設過江水脚米折銀三分除下江總領運例不加給其上江總領運

照數編給萬曆四十七年漕單坐派上江總領  
運正米一萬九千三百二十七石七斗三升四  
合止編過江水脚銀五百七十九兩八錢三分  
二釐二絲今照依原額正米計石算派以後漕  
單派坐若係上江總全運其銀照數全給如下  
江總領運其銀照數扣留起解

以上隨漕給軍六款共銀七千八百七十四兩  
七錢一分

正兌項下河工備剝解淮銀二千三十兩解費

銀四十兩六錢

華亭縣正銀四百九十八兩二錢二分七釐六  
毫八絲

婁縣正銀四百九十七兩三錢九分八釐五毫  
六絲

上海縣正銀六百五十三兩二錢八分八釐六  
毫一絲

青浦縣正銀三百八十一兩七分五釐一毫五  
絲

外每正銀一兩解費銀二分俱照數派徵

輕齋銀二萬四千三百六十兩解費扛銀七百三十兩八錢

華亭縣正銀五千九百七十八兩八錢五分二釐一毫六絲

婁縣正銀五千九百六十八兩七錢八分二釐七毫二絲

上海縣正銀七千八百三十九兩四錢六分三釐三毫二絲

青浦縣正銀四千五百七十二兩九錢一釐八毫

外每正銀一兩扛銀一分解費銀二分俱照數派徵

折色七分蘆蓆七萬一千五十領每領折銀一分共銀七百一十兩五錢解費銀一十四兩二錢一分

華亭縣一百七十四兩三錢八分三釐一毫八絲八忽

婁縣一百七十四兩八分九釐四毫九絲六忽  
上海縣二百二十八兩六錢五分一釐一絲三  
忽五微

青浦縣一百三十三兩三錢七分六釐三毫二  
忽五微

外每正銀一兩解費銀二分俱照數派徵此項  
隨輕齎起解改兌項下二升耗米折銀二百九  
十九兩五錢解費銀五兩九錢九分  
華亭縣正銀七十三兩五錢八釐四毫七絲

婁縣正銀七十三兩三錢八分四釐六毫六絲  
上海縣正銀九十六兩三錢八分四釐二毫一  
絲

青浦縣正銀五十六兩二錢二分二釐六毫六  
絲

折色七分蘆蓆一萬四百八十二領五分每領  
折銀一分共銀一百四兩八錢二分五釐

華亭縣二十五兩七錢二分七釐九毫六絲四  
忽五微

婁縣二十五兩六錢八分四釐六毫三絲一忽  
上海縣三十三兩七錢三分四釐四毫七絲三忽五微

青浦縣一十九兩六錢七分七釐九毫三絲一忽

上二款每正銀一兩解費銀二分俱照數派徵  
以上隨漕起解五款共銀二萬八千二百九十八兩五錢二分一釐五毫按縣志上海蘆蓆三千三百七十三領青浦蘆蓆一千九百六十七

領七分九釐

徐州永福倉米折銀三千兩解費扛銀六十九兩

華亭縣正銀七百八十四兩二錢八分五釐二毫

婁縣正銀六百八十七兩九分八釐四毫

上海縣正銀九百六十五兩四錢五分一釐二毫

青浦縣正銀五百六十三兩一錢六分五釐二

毫

外每正銀一兩扛銀三釐解費銀二分俱照數  
派徵此係起解徐州戶部衙門給發運丁行月  
二糧之用

此項原編米一萬五千石每石折銀六錢共折  
銀九千兩順治五年改解戶部六千兩止存三  
千兩按縣志上海原編米四千八百二十七石  
二斗五升六合該銀二千八百九十六兩三錢  
五分三釐六毫青浦原編米二千八百一十五

石八斗該銀一千六百八十九兩四錢九分五

釐

徐倉改解戶部充餉銀六千兩解費扛銀一百  
三十八兩

華亭縣正銀一千五百六十八兩五錢七分四  
毫

婁縣正銀一千三百七十四兩一錢九分六釐  
八毫

上海縣正銀一千九百三十兩九錢二釐四毫

青浦縣正銀一千一百二十六兩三錢三分四毫

外每正銀一兩扛銀三釐解費銀二分俱照數派徵

揚州倉扣解班軍充餉銀三千六百二十九兩五錢四分八毫三忽二微解費扛銀七十八兩三分五釐一毫二絲七忽二微六纖八沙八塵華亭縣米一千五百八十一石四斗四升一合七勺四抄二撮折銀九百四十八兩八錢六分

五釐四絲五忽二微

婁縣米一千三百八十五石四斗七升三合一勺五抄六撮折銀八百三十一兩二錢八分三釐八毫九絲三忽六微

上海縣米一千九百四十六石七斗四升六合九勺五抄六撮折銀一千一百六十八兩四分八釐一毫七絲三忽六微

青浦縣米一千一百三十五石五斗七升二合一勺一抄八撮折銀六百八十一兩三錢四分

三釐六毫九絲八微

外每正銀一兩扛銀一釐五毫解費銀二分俱照數派徵

此項原編米一萬五千石每石折銀六錢該銀九千兩除班軍銀扣解充餉外其運軍行月二糧本折均平仍解揚州倉

揚州府倉扣給運軍行月糧一半折色米銀三千三十六兩一錢八分八釐五毫六絲八忽七微一纖解費扛銀六十四兩六錢三分三釐六

絲四微二纖二沙六塵

原編折色米四千四百七十五石三斗八升二合六勺六抄四撮每石折銀六錢

華亭縣原編折銀七百一兩九錢九分五釐二毫七絲七忽四微增編折銀九十一兩七錢五分六毫四絲二忽七纖

婁縣原編折銀六百一十五兩五釐六毫五絲三忽二微增編折銀八十兩二錢八分一釐一毫一絲五忽七微二纖

上海縣原編折銀八百六十四兩一錢五分二釐七毫一絲三忽二微增編折銀一百一十二兩九錢四分四釐五毫八絲三忽一微

青浦縣原編折銀五百四兩七分五釐九毫五絲四忽六微增編折銀六十五兩八錢八分三釐六毫二絲九忽四微二纖

外每米折銀一兩扛銀一釐五毫解費銀二分俱照數派徵

揚州府倉改派給軍行月糧一半本色米七千

七百八十石九斗二合九抄四撮

華亭縣二千三十四石一斗四升八合七勺八

抄四撮八圭

婁縣一千七百八十二石八斗一合七勺九抄

二撮六圭

上海縣二千五百四石二升七合九抄九撮七

圭

青浦縣一千四百六十石六斗四升四合四勺

一抄六撮九圭

以上揚倉本折二項舊編米折除班軍米六千四十九石二斗三升四合六勺七抄二撮折銀解部外該協濟米八千九百五十石七斗六升五合三勺二抄八撮本折均平改派本色米四千四百七十五石三斗八升二合六勺六抄四撮折色米銀二千六百八十五兩二錢二分九釐五毫九絲八忽四微康熙元年總漕據揚州府申文每銀六錢向作折米二石給發遂准以松江折米銀數每三錢該米一石共增本色米

三千二百五石五斗一升九合四勺三抄折色米銀三百五十九兩九錢五分八釐九毫七絲三微一纖

金山衛漕運淺船二十隻

原編每隻五十二兩二錢三分六釐八毫三絲共銀一千四十四兩七錢三分六釐六毫分派五年編給

每年實編民七料價銀二百八兩九錢四分七釐三毫二絲

華亭縣五隻五十二兩二錢二分六釐八毫三絲

婁縣五隻五十二兩二錢三分六釐八毫三絲  
上海縣六隻六十二兩六錢八分四釐一毫九絲六忽

青浦縣四隻四十一兩七錢八分九釐四毫六絲四忽

松江所漕運淺船二十七隻  
每編每隻五十二兩二錢二分六釐八毫三絲

共銀一千四百一十兩三錢九分四釐四毫一絲分派五年編給

每年實編民七料價銀二百八十二兩七分八釐八毫八絲二忽

華亭縣七隻七十三兩一錢二分一釐五毫六絲二忽

婁縣六隻六十二兩六錢八分四釐一毫九絲六忽

上海縣九隻九十四兩二分六釐二毫九絲四

忽

青浦縣五隻五十二兩二錢三分六釐八毫三絲

金松衛所淺船舊例修造不一萬曆四十七年每年定造一十七隻編銀八百八十八兩二分六釐一毫一絲今照蘇州事例將船隻照依每隻原數料價計算總額銀數每年分編五分之一衛所兩幫各選運官一員分船領運

金山衛運軍一半折色行糧銀二百九十六兩

運船二十隻每船運軍一名頭舵水手一十名

每名支給行糧三石本折均平共折色行糧三

百三十石每石折銀一兩二錢

月糧銀八百八十兩

每名支給月糧八石本折均平共折色月糧八

百八十石每石折銀一兩遇閏加月糧銀八十

八兩

婁縣行糧銀三百一十一兩四錢月糧銀一百

八十九兩五錢三分三釐遇閏加月糧銀一十

八兩九錢五分三釐二毫

上海縣行糧八十四兩六錢月糧銀六百九十兩四錢六分七釐遇閏加月糧銀六十九兩四分六釐七毫

松江所運軍一半折色行糧銀五百三十四兩六錢

運船二十七隻每船運軍水手人數及支給本折與金山衛同共折色行糧四百四十五石五斗每石折銀一兩二錢

月糧銀一千一百八十八兩

共折色月糧一千一百八十八石每石折銀一兩

遇閏加月糧銀一百一十八兩八錢

華亭縣行糧銀四百二十四兩六分四釐八毫

二絲六忽月糧銀二百一十六兩三錢四分二

釐遇閏月糧銀二十一兩六錢三分四釐二毫

婁縣行糧銀一百一十兩五錢三分五釐一毫

七絲四忽

上海縣月糧銀九百七十一兩六錢五分八釐  
遇閏月糧銀九十七兩一錢六分五釐八毫

金山衛運軍一半本色行糧米三百三十石月  
糧米八百八十石遇閏加月糧米八十八石

婁縣行糧米二百五十九石五斗月糧米一百  
八十九石五斗三升三合運閏米一十八石九  
斗五升三合三勺

上海縣行糧米七十石五斗月糧米六百九十  
石四斗六升七合遇閏米六十九石四升六合

七勺

松江所運軍一半本色行糧米四百四十五石  
五斗月糧米一千一百八十八石遇閏加月糧  
米一百一十八石八斗

華亭縣行糧米三百五十石三斗八升七合三  
勺五抄五撮月糧米二百一十六石三斗四升  
二合遇閏米二十一石六斗三升四合二勺

婁縣行糧米九十二石一斗一升二合六勺四  
抄五撮

上海縣月糧米九百九十一石六斗五升八合  
遇閏米九十七石一斗六升五合八勺

舊編金松衛所行糧銀一千五百二十四兩月  
糧銀一千一百二十八兩自明天啓七年詳定  
每名支給行糧本色米三石月糧折色米八石

松江府風俗考

本府

府志

舊志松故吳之裔壤也然負海枕江水環山拱  
自成一都會民生其間多秀而敏其習尚亦各  
有所宗蓋自東都以後陸氏居之康績以行諂  
聞遜抗以功業顯而機雲之詞學尤著國人化  
之梁有顧希馮唐有陸敬輿至宋而科名盛矣  
故其俗文原澤沃衍有魚稻海鹽之富商賈輻  
輳故其俗侈有康僧會船子夾山之遺蹤故尚

佛有金山柘湖之靈蹟故信鬼神有三甲五甲之風故或號難理其所由來遠矣今文物衣冠蔚為東南之望經學詞章下至書翰咸有師法各稱名家田野小民生理裁足皆知以教子孫讀書為事畏官府賤告訐租稅百萬如期而集無踰歲者雖詞訴盈庭終未嘗有一言犯上淫放不孝之刑幾措而不舉間有犯者至擯而不容於鄉夫衣食足則禮義興文華勝則淳樸散今日之俗識者未嘗不喜其盛而憂其弊也知

其弊而防之當益以保其盛焉

大抵士樂名教平居多守儒素肆志古學其縉紳或以名德重或以勳績著或以恬退稱或以忠節顯有皦皦絕倫冠冕史冊者又不特文藻是尚也閥閱子弟以孝謹相尚名家品範望而不可得者農家胼胝稼穡出自天性居塵市則不可得者農家胼胝稼穡出自天性居塵市則服勤工賈故游民鮮少凡事必務舒整都無陋僿惟飲食多過腆者是以積聚衰焉女子莊潔

自好知守內則絕無登山入廟等事井臼之餘  
刺繡旨蓄靡不精好至於鄉村紡織尤尚精敏  
農暇之時所出布疋日以萬計以織助耕女紅  
有力焉後以兵祿相仍賦役交困四民皆有儉  
思今華實更逾於昔矣

府城之俗謹繩墨畏清議而其流也失之隘上  
海之俗喜事功尚意氣而其流也失之夸

尚清雅飾玩好境內皆然而西南爲盛畏首事  
喜隨衆則府城以之諺所謂松江齊者以此

士人帖括外兼嫺風雅凡詞賦之業童而攻之  
多有文集表見於世卽六書八法莫不家習而  
究其奧有以布衣得知遇擢卿貳者今海內談  
詩家率推雲間派而論書畫者亦以雲間爲宗  
云

俗務紡織他技不多而精線綾三梭布漆紗剪  
絨毯皆爲天下第一前志云百工衆技與蘇杭  
等要之松郡所出皆切於實用如綾布二物衣  
被天下雖蘇杭不及也

紡織不止鄉落雖城中亦然里媪晨抱紗入市  
易木棉以歸明日復抱紗以出無頃刻間織者  
率日成一疋有通宵不寐者田家收穫輸官償  
息外未卒歲室廬已空其衣食全賴此

郊西尤墩布輕細潔白市肆取以造襪諸商收  
鬻稱於四方號尤墩暑襪婦女不能織者多受  
市值爲之縫紉焉

農家最勤習以爲常至有終歲之勞無一朝之  
餘苟免公私之擾則自以爲幸無怨尤者前輩

士大夫起自田里者亦身親爲之婦女饁餉外  
耘穫車灌率與男子共事故視他郡雖勞苦倍  
之而男女皆能自立

農無田者爲人傭耕曰長工月暫傭者曰忙工  
田多而人少者倩人爲助己而還之曰伴工上  
農多以牛耕無牛犁者以刀耕其制如鋤而四  
齒謂之鐵搭人日耕一畝率十人當一牛

灌田以水車有牛車轉運不用人力者更有用  
風轉運者其制如牛車施帆於輪乘風旋轉田

器之巧極於是然不可常用大風起亦敗車冬寒爲屋以藏牛謂之牛囤卽唐人謂之牛宮。泖澱江浦之間民多以漁爲業取魚之術亦備其結繩持綱者總謂之網有注網絲網塘網網之流曰罟曰罾曰罾圓而縱捨曰罩挾而升降曰罟緝而竿者總謂之筌筌之流曰筒曰車橫川曰梁編竹斷港俗謂之斷承虛曰筍編而沉之曰筲卽今橫簾止可捕蟹矛而卓之曰稽棘而中之曰叉鏃而綸之曰射扣而駭之曰根俗

謂之打艫艘錯薪於水中曰簦俗謂之叢以數百鉤繫餌一繩牽之曰張釣所載之舟曰舴艫所貯之器曰笊笊畜之於池而守之曰神謂鼈也或作龜漁於海者有簿網有蒲網列竹於海滋曰滬其他或術以招之或藥而盡之則非先王數罟不入洿池之意也

上海志市井輕佻十五爲羣家無擔石華衣鮮履其桀黠者舞智告訐間有訟牒旣構始掩取遺賂以人命相傾陷者聽者少不加察卽素封

立破右族以侈靡爭雄長燕窮水陸宇盡雕鏤  
臧獲多至幾百指甚者廝養輿服或至凌轢士  
類其間非無雅志維風皜然不滓者顧狂瀾旣  
倒砥柱爲難是在坊民者加之意耳

青浦志民風愿慤頗有古意且地局水鄉自耕  
織外生計鮮少俗尚儉嗇差勝他邑荒亂之後  
閭里蕭條民始健訟矣

明曹蕃郡乘補曰何元朗言明初百姓十一在  
官十九在田蓋因四民各有定業百姓安於農

畝無有他志官府亦驅之就農不加煩擾故家  
給人足樂於爲農自後賦稅日增徭役日重民  
命不堪遂皆遷業已六七分去農矣前所編戶  
口之數漸次消耗所存無幾民蠹愈煩各里告  
病一甲所存無四五戶復三四人朋一里長則  
是一縣中無不役之家無不在官之人矣况國  
課近急比限日嚴空一里之人奔走絡繹於道  
路誰復有種田之人哉今則教養備至苛弊悉  
除農皆樂業風盡歸淳矣

正月 一日雞初鳴悉起肅衣冠拜天地家廟  
尊長後以次拜鄰里親戚與服華煥雜還街市  
各投刺於門曰賀歲一日至三日禁掃除室中  
小兒競擊金鼓爲樂立春前一日以綵仗迎春  
於東郊傾城看春茹春餅以生菜作春盤爲宴  
會立春之候祭芒神鞭土牛舊志於七日八日  
九日會佛寺名龍華今廢數日內各鄉鎮社祠  
中禱卜以占一歲之豐歉水旱頗驗而佘山施  
相公祠爲盛上旬之暮女子邀厠姑問吉凶至

十三日家人卽竈卜流年事握秫穀投釜爆之  
以花而妍者吉名卜流花俗名爆字婁元夕采  
竹柏結棚於通衢作燈市觀者嬉遊或至達曙  
是夕燕飲以油餛珍珠團爲節食家祀竈謂接  
竈農家爭束芻徧燒田間謂照田蠶十七日相  
傳普照寺燃巨燭會七日方散今不復見

二月 十二日花朝羣卉徧繫紅綵以祝繁盛  
十九日相傳爲觀音大士生日皆詣城西超果  
寺進香是月童子放風鳶夜或以燈蒸火作二

紙翼貫絙中凌風而上亦有烟爆飛如繁星  
三月 清明節拜掃先塋懸紙錢謂之標墓先  
節三日郡牒城隍神至期詣厲壇仗衛整肅郡  
民執香花擁導者甚衆至晚復以華燈迎歸七  
月十五日十月一日皆如之是日折柳插簷按  
舊志元時女子有鞦韆之戲二十八日禮千山  
嶽祠東鄉諸巫者自元日後昇偶神循門互唱  
索錢結縷爲勝以奉嶽神謂之錢幡會至是日  
鼓樂騎蓋送神上山而散

四月 八日各寺浮屠皆設供浴佛卽釋典所  
載釋迦降生九龍吐水之日也舊志於是日迎  
華光會

五月 朔日貼門符五日午時縛艾人採藥物  
食角黍浮菖蒲雄黃酒小兒以雄黃抹額繫百  
索於臂皆云辟邪婦人製綵繒爲人形插之於  
髻名曰健人是日觀龍舟競渡於白龍潭上海  
則觀於黃浦之丹鳳樓夏至日祀先薦新十三  
日相傳爲關帝生日郡民皆具牲醴各就近廟

致祭黃梅後三日爲頭黓音時又五日爲中黓又七日爲末黓三黓中忌問疾及土木浣濯之事是月塵閉寺觀誦經啓醮謂之禳瘟按舊志重五軍校禱柳於教場謂以柳枝插地數騎用剡子箭或弓弩馳射如夢華錄及金史中元重陽射柳故事今廢

六月 六日滌器於河食餽飪云解注夏疾十九日相傳爲觀音大士成道日郡民皆往超果寺進香伏日曬書帙衣裘

七月 七夕陳瓜果作乞巧會小男女羅拜月下中元祀先以素羞往僧舍設齋爲人薦亡夜施水燈曰盂蘭盆若月晦值大盡日俗謂地藏開眼僧人以紙造爲白蓮船鄉人或以錢米絮楮少許寄紙船中祈生西方夕作梵事而焚之兒童積瓦甃爲塔至夕亦燃燈效梵聲爲戲或於長衢點放地燈一行多至數十餘盞

八月 朔收露水磨墨點小兒女額謂之天灸中秋食月餅登樓臺賞月觀鶴宋朱之純三山

亭詩註云華亭每中秋夜有仙鶴下不多見也  
十八日俗謂潮生日有至浦口縱觀者二十四  
日割新稻謂之開稻門以祀竈是月田家祀先  
農釀錢爲會曰青苗社亦曰謝天節

九月 九日蒸重陽糕標以紅紙旗供神佛春  
紅糍薦先對菊泛茱萸嘗新酒或載酒於九峯  
泖塔等處爲登高會

十月 朔日祀先上海人有拜掃先塋者按舊  
志是日開爐用麵裹菠菜爲餅獻祠堂

十一月 冬至治花糕剗羊豕祀先冠蓋者相  
賀比正旦稍殺相傳明成弘時冬至前三日罷  
市交賀如歲首鼓吹喧闐號豁聽更互結宴名  
分冬酒今廢

十二月 朔日儼於街市飾爲鬼神揭竹枝鳴  
鑼躍舞至二十四日止初八日各寺僧設豆糜  
雜置榛菱棗栗之屬謂臘八粥二十四日以夜  
祀竈神謂之送竈婦女不得與祀物用粉團糖  
餅謂竈神朝天言人過失用糖者取膠牙之意

是日掃屋塵曰除殘二十五日舉家食赤豆粥  
云辟瘟出外者亦留以與之名口數粥兼餉親  
里之持喪者除日祀先易茶壘桃符貼春聯簷  
間徧插柏葉冬青至暮封井畫灰於地象弓矢  
云以辟邪先期取松柴斲方曬乾至是壘架於  
庭以麻稽荳萁實而燎之擊鑼鼓燒糝盆爆竹  
按韻會注糝粉滓也一曰粥凝又歲時雜記除  
夕作蕢燭以麻糝濃油如庭燎律有元日油糝  
之文今糝盆是也又呼生盆生陽氣也鄰互擎

炒豆相送僉搦而交納之且餐且祈曰湊投湊  
投炳燭燐薶燒蒼朮辟瘟丹老幼聚飲有圍爐  
守歲達旦不寐者閉門則舉爆竹三聲明旦開  
門亦如之舊志又載五鼓一籌更燭炷香陳果  
設醮祝家神叅祠堂然後舉家東向立自卑而  
尊飲屠蘇酒飲醕尊者就席以次賀畢遂出賀  
此一歲風俗之大略也

此一鼓風聲之大細也

魯詩以鼓風聲為調音者鼓風以充管畢發出

若謂鼓風而參師也然鼓風向立自來

而鼓風也鼓風也鼓風也鼓風也鼓風也

鼓風也鼓風也鼓風也鼓風也鼓風也

鼓風也鼓風也鼓風也鼓風也鼓風也

鼓風也鼓風也鼓風也鼓風也鼓風也

